



CIntilla sub Sisebutho optimo rege militares
 Cordines duxit, & ob plurimas uirtutes sibi
 magnū nomē cōparauit. Itaq; Sisebutho mortuo
 nemo ex omnibus inuentus fuit cui iustius Gotho
 rū in Hispania regnū committi posset. Nec postea
 quicq; armorū gloria remissius egit. nā in ciues be
 nignus pater, in hostes terribile fulmen extitit. Ro
 manos sæpius quā felicius Hispanias impugnātes
 ita repressit, ut trepidi in Italiā remearent, nec po
 stea unq; subiugandis Hispanijs animū adhiberēt.
 Itaq; is primus Gothorū regū fuit, qui singulari uir
 tute & prudentia Hispaniarū monarchiā integræ
 libertati restituerit, & sibi per omnia subiecerit, an

no 620. Deinde etiā Vascones in uicinas terras irrumperere ausos superauit, ac
 eò redegit, ut Olitensem urbē ædificarēt. Demum toto Reipub. statu optimē
 composito Toleti omnium subditorum luctu obiit, & Sisenandum filium re
 liquit. Ioan. Mag. lib. 16, cap. 16.